



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 9. Pertinax Parisiensis Parlamenti oppositio contra Regii Senatus
sententiam.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

cipuis Regni Proceribus hujus Consilii Sæc. XVIII.
 Aulam die vigesima tertia Septembris A. C. 1730.
 ingressus, Regium edictum ad tabulas
 referri jussit: Nec tamen deerant, qui
 sese rursus opponerent: ad motas vero
 eorum difficultates ipsemet Moderator
 respondit, easque dissolvit ac demum
 Cancellarius tam efficaci verborum ra-
 tionumque copia hanc in rem differuit,
 ut prævalente suffragantium numero e-
 dictum altera die tabulis insereretur.

§. IX.

*Pertinax Parisiensis Parlamenti op-
positio contra Regii Consilii
sententiam.*

Attamen potissimi ex Parisiensi Parla- Gottfrid.
 mento Pontifaræ congregato con- l. c. p. 770.
 tra sanctioris Senatus decretum vehe-
 menter reclamabant, ac solemnè pu-
 blicoque edicto intercedebant, cui et-
 tiam oppositioni die decima Octobris &
 biduo post Appellantes quatuor Epi-
 scopi, Tourniense Capitulum Cathed-
 rale, ac præcipue Sorbona accessere.
 Insuper quidam ex Parlamento ceteris
 pertinaciores ad Concilium generale
 provocarunt. Hæc illorum contumacia
 Regentem ad iracundiam eo majorem
 adduxit, quo certius pravitatem exem-
 pli in Viris dignitate auctoritateque con-
 spicuis

Sæc XVIII. spicuis longe potentiores, quam in p
 A. C. 1720. vatis ad corruptelam & promiscuam
 pellandi licentiam vires habere novent
 unde bene cæptorum frustrationem pre
 venturus, horumque audaciam le
 riore pœna coerciturus, quamprim
 Noaillius suum mandatum publici ju
 fecerat, totum Parlamentum Ble
 die secunda Decembris in exilium fec
 dere jussit. His minis haud parum ter
 riti Senatores, cum insuper Parisi
 revertendi spes, atque illecebra acc
 deret, a primo suo resistendi ardore
 haud parum remittebant: unde Mea
 guius Abbas hanc animi dispositionem
 opportune in rem suam usus, pertina
 cioribus exposuit, jamjam promulgat
 Noaillii Instructione seu unionis factæ
 approbatione totum negotium esse p
 confectum, proin eorum oppositionem
 esse omnino supervacaneam, & nem
 nisi ipsis solis noxiam: Tantum val
 hæc Abbatis oratio, ut ex Senato
 bus potissimi Regium edictum ad act
 esse referendum decernerent. Die igi
 tur quarta Decembris omnes (exceptis
 quinque) Parlamenti Patres Regis de
 clarationem seu edictum tabulis in
 ruerunt, salvis tamen Ecclesiæ Gal
 canæ libertatibus, privilegiis, regni
 que juribus circa Episcoporum potest
 tem ac jurisdictionem. Quinto ere

post die Regni Moderator, actum, ^{Sæc. XVIII.}
 quo Sanctius Consilium pacificatio- ^{A. C. 1720.}
 nem circa Constitutionis dissidia ini-
 tam ad acta retulit, tanquam irri-
 tum, nullumque declaravit. Adhuc-
 dum tamen contumaces & ad repu-
 gnandum obstinati perstabant non
 pauci Sorbonæ Doctores; cum enim
 die undecima Decembris novi Rectoris
 electio instaret, Rollinus hoc officio
 functus, orationem habuit, in qua il-
 los, qui contra unionis decretum Pon-
 tificiam ad Parlamentum supplices re-
 currebant, summis elogiis celebrabat,
 cunctaque circa novam appellationem
 gesta confirmabat: Hæc Rectoris ora-
 tio, velut innovatæ appellationis testi-
 monium summo applausu excepta est,
 decretumque, ut ea Universitatis tabu-
 lis inscriberetur: Rex autem cognita
 horum pervicacia gravi iracundia ex-
 ardescens contra hos Doctores, Pur-
 choto Syndico literas in comitiis præ-
 legendas tradidit, hujus tenoris: *Com-
 perto, quod pro proxima Electione Recto-
 ris, vel hujus officii continuatione ad diem
 decimam sextam comitia vestra sitis habituri,
 Vobis inhibemus, ne Rollinum in hoc munere
 confirmetis, sed injungimus vobis, ut Vi-
 rum magis moderatum ei subrogetis, De-
 nique prohibemus, ne ejus sermonem ad acta
 referatis, Et si relatus est, illum quanto-
 tius*

Sæc. XVIII. *tius deletis, hoc vero nostrum mandatum*
 A. C. 1720. *tabulis inferere non cunctemini:* His Puer-
 chotus subjunxit, non jam agi, ut de-
 super deliberent, sed protinus pareant.
 quapropter Cossino electo mox Univer-
 tas hæc Regis literas, ejusque decla-
 rationem ad acta retulit.

§. X.

Regis edictum contra appellationes

Fracta horum pervicacia Rex die ter-
 tina Decembris Sanctioris Consilii
 decreto mandata, quibus Senecalis,
 Montpessulanus, Bolognensis & Mura-
 picensis Episcopi suam appellationem
 innovarunt, tanquam summo Pontifici
 & Franciæ Episcopis injuriosa, nec
 non Ecclesiæ paci, atque auctoritati
 Regiæ contraria suppressit, præcepit
 que, ut omnia acta innovatæ appella-
 tionis juxta declarationem regiam die
 quarta Augusti promulgatam pro irrita
 nullisque haberentur, ac Provinciarum
 Prætores ad exequendum hoc edictum
 auxiliatrices præberent manus, & con-
 cta, quæ ab eis fuerint præcepta, in
 opus deducerentur, non obstantibus
 oppositionibus & quorumcunque appella-
 tionibus, quarum si quæ fierent, cog-
 gnitionem Rex sibi, suoque Consilio
 referret.